

## MANIFIESTO

Muitos ciudadanos sentimos que a clase politica nos ha feito burro falso.

A sobén hemos d'asistir a debatz estérils aleixaus de as situacions que verdaderament nos preocupan, a campanyas electorals plenas de mensaches vuedos, con promesas que se desfán de traza sistemática y sin garra reparo. Sufrimos as conseqüencias d'una chestión pesima de os diners publicos, sin que denguno en quiera asumir responsabilidatz. Nos sentimos utilizaus quan no s'acuerdan de nusatros que cada quatro anyos. De cabo quan, hemos d'asucitar insultos y descalificacions que s'olbidan malas que toca plegar en un pacto ta repartir-se concellerías, consellerías u ministerios. Nos veyemos impotents alufrando cómo se'n fuye de a pluralidat d'alternativas, mantenendo os privilechios de os partius de siempre. En fin, somos cansos d'haber de convivir con a sensación de que nos cambean uellos por coda.

Debant d'ista situación, muitos ciudadanos han quiesto amostrar-ie o suyo malestar fendo servir o voto en blanco, o voto nulo u l'abstención. Iestas opciones, manimenos, han resultau ineficaces por dos razons:

- a) A suya radida repercusión mediática, a temas de os numeros mica despreciables que han alcanzau.
- b) A suya indefinición, debiu a que a normativa electoral no asigna denguna representación ni significación concreta a istas opciones, y ixo fa que qualsquier significau que se i quiera atribuyir quede esbandiu entre os muitos posibles (voto de castigo, conformidat, indiferencia, dandaleyo, olbido, consigna política...).

Ta dar respuesta a ista situación, un grupo de ciudadanos hemos determinau de concurrer a las elecciones con a intención de dixer desenta qualsquier cadiera que i podésenos obtener, renunciando a toda mena de remuneración personal derivada d'iste feito.

Con ista iniciativa, miramos de:

- 01 Fer visible de traza platera o descontento con a clase politica d'una parti important de os ciudadanos que no se i sienten representaus.
- 02 Captar l'atención de os meyo de comunicación y de a sociedad en cheneral con una acción orichinal e innovadera, de vez que democrática, que contribuya asinas a cheneral un debat político centrau en o deficit de o nuestro sistema representativo.
- 03 Fer presión sobre a clase politica y os suyos partius ta que miren d'esforzar-se muito más en desembolicar a suya actividad con etica y respeto, promovendo iniciativas de gobierno y lechislativas que fomenten a participación de os ciudadanos dillá de os comicios que se celebran cada quatro anyos.

O final d'iste proceso debería menar enta una necesaria modificación de a lei electoral, reconoixendo lo dreito de os electors a fer servir un tipo de voto específico y exclusivo pensau ta totz aquells ciudadanos democratas que, descontentos con o trebalo de os suyos representants, no trobasen en denguna lista electoral una alternativa que les satisfese. Iste voto debería estar computau como lo d'una candidatura más, y si nunca conseguise bella representación, se materializaría como escanyos vuedos.

Cadieras en Blanco apuesta de traza decidida por que siga o voto en blanco o que, dimpués d'una convenient reformulación, acabe exercendo ista función, en interpretar que, como son muitos os ciudadanos que ya recorren a iste voto como forma de canalizar a suya indignación, resultaría a opción más natural y adecuada.

Cadieras en Blanco se disolverá malas que iste obchectivo siga estau alcanzau.